

Për të mbrojtur klientët e saj ATU shpk., publikon këtë udhëzues për përdoruesit “Rreth incidenteve më të zakonshme të sigurisë, veprimeve dhe/ose mjeteve që duhen ndjekur për të parandaluar ndodhjen e këtyre incidenteve dhe veprimeve që duhen ndjekur pas ndodhjes së incidenteve të sigurisë”

Me qëllim mbrojtjen tuaj nga aktivitete me natyrë mashtruese në fushën e komunikimeve elektronike, ATU dëshiron t’ju japë disa këshilla të thjeshta.

Email-et SPAM:

SPAM quhet nje email i padëshiruar i dërguar në internet, zakonisht tek një numër i madh përdoruesish, për qëllime reklamimi, phishing, përhapjen e malëare etj. Rekomandohet që të mos u përgjigjeni këtyre email-eve të cilët shpeshherë ju njoftojnë për fitimin e sasive të mëdha të parave nga ana juaj nëpër llotari për ekzistencën e të cilave ju s’jeni në dijeni dhe për lënjen e një pasurie të madhe në formë trashëgimie nga një i afërmi juaj që nuk jeton më.

Gjithashtu ju ftojmë të jeni të kujdesshëm kundrejt email-eve që vijnë nga adresa të çuditshme shpeshherë të ngjashme me adresat e vërteta të personave me të cilët ju mbani kontakte

Phishing

Phishing është mashtrimi ose përpjekja për mashtrim për të marrë informata të ndjeshme, të tilla si emrat e përdoruesve, fjalëkalimet dhe detajet e kartës së kreditit duke fshehur veten si një entitet i besueshëm në një komunikim elektronik. Në mënyrë tipike kryhet me spoofing email dhe shpesh i drejton përdoruesit të fusin të dhënat personale në një faqe interneti të rreme që përputhet me pamjen dhe ndjenjën e faqes së ligjshme. Këto të dhën pastaj përdoren nga ana e keqbërësve për të imituar numrat tuaj të kartave të kreditit në karta të tjera dhe për të mundësuar marrjen e parave nga llogaritë tuaja.

Rekomandohet që të mos u përgjigjeni këtyre email-eve dhe të forconi password-et tuaja duke përzgjedhur kombinime ku nuk përfshihen të dhënt tuaja personale apo kombinime të thjeshtë karakteresh

Gjithashtu rekomandohet vendosja dhe update-imi i Antiviruseve, të cilët bëjnë mbrojtjen automatike ndaj shumicës së rreziqeve në rrjet dhe ju njoftojnë për çdo dyshim për ndonjë nga rreziqet e përshkruara më lart.

Klikimi i linqeve

Një burim tjetër rreziku në rrjet është edhe klikimi i llinqeve të cilët të drejtojnë nëpër faqe të tjera të ndryshme nga ato që ju jeni të interesuar. Shpesh herë këto faqe janë faqe reklamash ose plotësimi formash nga ana juaj të cilat ju bëjnë viktima të vjedhjeve ose të keqpërdorimit të identitetit tuaj.

Gjithashtu një pjesë e mirë e tyre shërbejnë për të instaluar file të ndryshëm në kompjuterin tuaj dhe shkarkimin automatik të viruseve ose malëare-ve të tjerë sapo ky file klikohet për t'u hapur.

Rekomandohet që këto linqe të mos klikohen dhe në rast të hapjeve aksidentale këto faqe të mbyllen menjëherë sapo hapen.

Gjithashtu rekomandohet instalimi i aplikacioneve ose extensions-ave si psh. AdBlocker në motorin tuaj të kërkimit në Internet, të cilët në mënyrë automatike ndalojnë hapjen e shumicës së këtyre faqeve.